

Athör tueŋ cĭ Joon göt

Wët nhom

Athör tueŋ cĭ Joon göt ala yic wël dĭt karou kek ke gët yen athöör, tueŋ ë wët bĭ yen kəc riεel puøth bĭk aa rëer ë tøk kek Nhialic ku Wënde Jethu Krĭtho. Ku dët, ee wĭc Joon bĭ kəc cĭ gam cəl atĭr nhĭim piöoc ë lueth bĭ gam kënë rac. Piöoc kënë acie röm kek käk ë Jethu Wën ë Nhialic. Kuec ë piöoc kënë, yen acĭ Joon ηĭεc teet yic lən Jethu Krĭtho ë ye raan ayic, ku acĭ nyooth lən raan cĭ Jethu gam ku nhiεεr Nhialic, ka dhil kəc nhiaar ëbën.

Käk tō thĭn

Wët Nhom 1:1-4

Nhialic ee Ruel 1:5–2:29

Mĭth Nhialic ku mĭth jəŋrac 3:1-24

Yic ku lueth 4:1-6

Käk ye looi rin ë nhiër 4:7-21

Gam ril apeĭ 5:1-21

Wët ë Pĭr

¹ Wek aa gät wët raan yen cĭ Wët Nhialic lëk kəc, ku yen cĭ kəc gām pĭr akölriëc ëbën. Yen ë tō thĭn thεεr kęc kĕriëc ëbën cak. Ku ëmën yok aaci wëlke piŋ, ku yeen acuk tĭŋ nyiĕnkua. Acuk tĭŋ, käk cĭ looi aa cuk tĭŋ ku acuk gəøt ciεnkua.

² Acĭ Nhialic cəl aye raan. Acuk tĭŋ ku wek aa lëkku yic cuk tĭŋ. Alëkku we lən raan kënë yen ë pĭr akölriëc ëbën yiëk kəc, ee tō thĭn wäthεεr ku yeen ë rëer kek Nhialic Wäda, ku acĭ Nhialic nyuøth yo.

³ Këya, raan cuk tñj ku piñku wëlke, yen ë raan lëkku we, rin bāk röt mät yo aya bāk la gam tøk kek yo. Ku gamda yodhie atō tēnē Wun ku Wēnde Jethu Kritho.

⁴ Wek aa gät kākka rin bāk röt mät yo gamda yic rin bī miēt piānda dīt apēi.

Nhialic ee Ruel

⁵ Ku wēt cī Jethu lëk yo ku yen lëkku we ëmēn akīn. Nhialic apath, ala guōp wic, acīt ruel, ku acīn acuəl.

⁶ Na yeku lueel lōn cī yōk röt mät tēnē Nhialic ku ŋot yo ye luui käreç, ke wēt luelku acie yic. Ku aye kākkuan yeku ke looi nyuəəth lōn cī yōk kuec yiny Nhialic.

⁷ Ku na yeku luui kāk wīc, ke yōk aatō ruel yic cīmēn tō Nhialic ruel yic, ke yōok aabī yoyiic mat, ku thon Wēnde Jethu abā adumušōmkua laak wei ëbēn yōgup.

⁸ Na yeku lueel lōn yōk acīn gup adumušōm, ke mēth yen aye yōk röt math, ku yōok aa kuc yiny cī Nhialic nyuəəth yo.

⁹ Ku na lëkku Nhialic lōn cī yōk käreç looi, ka pël käreç cuk looi piny ku wuuny ke wei yōgup buk bēn aa kəç path tēnē ye, rin acī lueel lōn bī yen kārackua aa päl piny, rin kē ye lueel aye dhiel looi akōlakōl.

¹⁰ Ku na luelku lōn kēç yōk adumušōm looi, ka yeku lueel lōn ë Nhialic yen ë lueth lueel, ku yōok aa kēç wētde gam.

2

Raan cī ləç ku dəç ë yō kony

¹ Wēt gät yēn we athōör miēthkiē, ee wēt bāk käreç cīi ye looi. Ku na le raan lui kērac kamkun, ke

ɣok aala raan Nhialic thiëc ë riɛnkua bī kārackua päl piny. Raan kënë ë Jethu Krītho cīn kē dak yeguǝp ë Nhialic nyin.

² Yen ë raan cī thou rin bī adumuǝmkua päl piny. Aacie adumuǝmkua ë röt kek ye Nhialic ke päl piny ë wētde, aaye ke päl piny agut adumuǝm kǝc pinyhom ëbën aya.

³ Dhël ye nyuǝth lǝn ɲic ɣok Nhialic ayic, ee wēt nadë ke ɣo thek löŋke.

⁴ Na ye raan lueel ka ɲic Nhialic, ku acī löŋken cī lëk kǝc thek, ke lueth yen aye lueel ku akuc kāk ë yīth tënë Nhialic.

⁵ Ku raan luui kē cī Nhialic lueel, ke nhiërde acī thok bī kaɲ dak tënë Nhialic. Ee këya, kën ɣo nyuǝth lǝn ye ɣok tōk kek Nhialic akīn,

⁶ na ye raan lueel ka cī yeyic mat ke Nhialic, ka dhil a luui cīmën wäär ye Jethu luui.

Löŋ Yam

⁷ Ke week kǝckiën nhiaar, wēt gät tënë we acie löŋ yam. Ee löŋ töŋ ɣǝn cāk piŋ ɣǝn jǝok wek met tënë Jethu.

⁸ Këya, löŋ gät we kënë ala yic wēt ë yam, rin dhël cī Jethu pīr thīn acī nyuǝth ɣo wēt ë yen yam, ku aye piërdun nyuǝth aya lǝn yen löŋ yam rin kārɛc aaci dhuk piny, rin ruel Nhialic acī nyuǝth.

⁹ Na le raan ye lueel lǝn luui yen ruel Nhialic yic, ku ë kam awën, ke man raan cī gam, ke raan kënë aŋot rëër muǝth yic agut ëmën.

¹⁰ Kǝc ë kǝc cī gam nhiaar kek aa kǝc pīr ruel Nhialic yic, ku abī ke cǝl acīn kërɛc loikë.

11 Ku kuat raan man raan cï gam, acit raan tō muṣṣṭh yic kuc tēn le yen thīn. Rin cï muṣṣṭh ye cōl acii piny tīŋ.

12 Wek kōc cīt miēthkiē, wek aa gāt athōr kēnē, rin aŋicku Nhialic acī kārēc pāl piny tēnē we, rin Raan cī lōc ku dōc.

13 Wek kōc we kōŋ gam, wek aa gāt, rin wek aa ŋic raan tō thīn thēer ke piny kēc cak.

Wek kōc puōc gam, ŋen agēt tēnē we rin cī wek jōŋrac göök.

14 Wek aa kōc cīt miēthkiē, wek aa gāt wēlkā rin cī wek aa kōc cī Nhialic Wāda ŋic.

Wek kōc we kōŋ gam, wek aa gāt rin wek aa ŋic raan tō thīn thēer ke piny kēc cak.

Wek kōc we puōc gam, wek aa gāt ē rin cī wek wēt Jethu gam apēi, ku bī wēt Nhialic arēer wepuōth akōlakōl, ku week aaci jōŋrac göök.

Duṣkkē kāk pinynhom ye nhiaar

15 Duṣkkē ke ye nhiaar dhōl kōc rēc pīr tō pinynhom, duṣkkē ke ye nhiaar kāk pinynhom. Rin raan nhiaar kāk tō pinynhom, acii lēu bī Wāda Nhialic nhiaar aya.

16 Dhōl rēc kōc tō pinynhom cīt emēn ye kōc luui kē nhiarkē wickē, ku yekē nhiaar kē cīk tīŋ, ku yekē nhiam kājuēc tō tēnē ke. Dhōlkā aa dhōl pīr pinynhom. Aacie bēn tēnē Nhialic Wāda.

17 Piny kēnē aya, acī Nhialic jōck bī rac kek kōcken nhiaar ye, ku raan kē wīc Nhialic looi ē pīr akōlriēc ēbēn.

Raan ater Raan cī lōc ku dōc

18 Miēthkiē, thōk ē piny acī thiōk. Acuk lēk we thēer lōn bī raan ater Raan cī lōc ku dōc tīc. Acāk

tj̄n kɔc ater Raan cī lɔc ku dɔc juēc aaci tuəl. Wēt kēnē, aye nyuəəth ē yic lɔn cī thök piny thiäk.

¹⁹ Kockä, aake rëër ke γo ē tök, ku aaci jäl emēn. Keek aake kēc kepuəth mät γo ē yic alanden, diēt aa ŋuət ke rëër kek γo. Jälden ē ye nyuəəth wēt kēc kek kepuəth mät γo.

²⁰ Ku wek aa kɔc ye Nhialic Wëike tääu wepuəth, ku këya, yen aci wek kāk yith ŋic wedhie.

²¹ Υεν aci gēt tēnē we rin ye γen ye lueel lɔn cii wek yic Nhialic ŋic. Υen agēt tēnē we rin wek aa ŋic yiny ē Nhialic. Ku rin ŋic wek ye acin luenh tō yiny ē Nhialic yic.

²² Ye raan yindē yen alueeth? Ee raan ye lueel, Jethu acie yen Raan cī lɔc ku dɔc. Raan cit kēnē, ee raan ater Raan cī lɔc ku dɔc, ku ē Nhialic Wäda kek Jethu Wēnde kek aaci yen ke kuc.

²³ Na le raan tōj̄n kuc lɔn cii Jethu ye Wēn Nhialic ka ril yic apsi tēnē ē raan kēnē bī mat kek Nhialic Wäda. Ku na cī gam lɔn ye Jethu Wēn Nhialic, ka bī mat kek Nhialic Wäda.

²⁴ Yakē wēt Nhialic wäär yen cäk gam muk wepuəth akölaköl. Na muökkē wēt wäär cī lək we wäär mēt wek röt Jethu, ke wek aabi p̄ir ke we ye tök kek Jethu ku Nhialic Wäda.

²⁵ Ke γook aabi p̄ir akölr̄iēc ebēn pan Nhialic cī Jethu γo thən bī yiäk γo.

²⁶ Wek aa gät rin wēt kɔc we them bik we muär.

²⁷ Ku week aaci Jethu yiäk Wēi Nhialic, ku rin rëer Wëike ke we, ke wek aaci ben wic raan dēt piöc we. Ku Wēi Nhialic ē we piöc keriēc ebēn, ku piöc we yiny cin yic lueth. Këya, wek aaya yöök bāk aa mat ke Jethu tēcit tē cī Wēi Nhialic we lək th̄in.

Mith ë Nhialic

²⁸ Wek aaya yöök aya miëthkië, bäk aa rëer ke we mët kek Jethu. Rin na ben la bën pinynhom, ke yook aaciï gup bi riöc buk röm kek ye.

²⁹ Ee këya, cõt mën ñic wek ye lön le Raan cï lóc ku dác cök. Këya, anjickë aya na ye raan kë la cök looi, ka cï ya manh ë Nhialic.

3

¹ Takkë wenhüim yen kë cï Wäda Nhialic luöi yo rin nhiërden rëer kek yo, ee kë nhiëer yen yo apëi, abï yook cöl aaye miëthke, ku ë yic alanden yok aaci ya miëthke. Ku wët kuc thän pinynhom ye, lön ye yok mith Nhialic, ee rin kuc kek Nhialic.

² Wek kockiën nhiaar ëmën, yok aaci ya mith Nhialic. Ku anot kucku tē bi yok yiëndē thän aköldä. Ku yeen anjicku, tē le Raan cï lóc ku dác dhuk pinynhom, ke yok aabi ciët ye, rin abuk tñj ë yic, ye yen ña.

³ Ku week, raan ye ñööth lön bi yen ciët Jethu, ka dhil yeguöp wuöony wei adumuöömke bi rëer ke la wic, cïmën Raan cï lóc ku dác cie adumuööm ye looi.

⁴ Kwat raan la tueñ ke loi awuöc Nhialic nyin, ee Nhialic ku lööñke kek aaye dhöl yiic.

⁵ Anjickë, kën biï Raan cï lóc ku dác pinynhom, ee lön bi adumuöömkua bën wuöony wei yogup, ku yen nom acie adumuööm ë looi acin.

⁶ Këya, tē cï raan rot mat kek Jethu, ka cïi adumuööm looi akölaköl, ku raan adumuööm looi akölaköl aye nyuööth lön kuc yen Raan cï lóc ku dác alanden.

⁷ Wek miëthkië, tiëerkë nhiim, bi ciën raan ruëny we. Raan ye looi ë këpath ala cök cïmën le Raan ci löc ku döc cök.

⁸ Ku raan awuöc looi akölaköl ë raan jönrac, rin jönrac acä awuöc looi tëwäär ciëk ë piny. Ku Wën Nhialic acï bën pinyhom bi kë ci jönrac looi bën rac.

⁹ Acïn raan ya manh Nhialic ku ñot ye luui kärec. Rin pïr Nhialic atö yeguöp. Acie awuöc looi akölaköl, rin ye yen manh Nhialic.

¹⁰ Ku kën mïth Nhialic ku mïth jönrac nyuöth akïn, kóc cie luui käpath, ku kóc cie miëthakën ye nhiaar, aacie mïth Nhialic.

Nhiarkë röt kamkun

¹¹ Kënë yen ë wët cäk piñ nyin yic wäär mët wek röt Raan ci löc ku döc, lön dhil yok röt aa nhiaar kamkua.

¹² Këya, duökkë röt thöñ raan çol Kain, raan luui käk jönrac ci mënh nöck. Yenö kën nëk mënhë? Kën nëk yen mënh Abel ë wët ë mënh luui käk la cök ku yeen ë luui kärec.

¹³ Këya, duökkë gëi miëthakäi tē mēen kóc ë pinyhom we.

¹⁴ Anjicku alanden lön yok aa ço cit kóc ci thou, ku ëmën yok aa rëër pïr akölrïëc ëbën yic, kënë ayeku ñic rin ëmën yok anhiar wämäthakua kóc ci gam. Na ye raan cïi wämënhë nhiaar ka ñot rëër ke cit raan ci thou.

¹⁵ Ku tënë Nhialic, raan man kóc kök athöñ kek raan ci raan dët nöck, ku anjickë raan kóc nöck acïn pïr akölrïëc ëbën pan Nhialic tō kek ye ë yic.

16 Nhiër ayeku njic këlä, Jethu aci rot cäl anäk rin bi yen yo waar adumuömkua yiic, aye nyuöwth lön nhiëer yen yo. Ku këya, yook aya yok aa dhil röt cäl anäk rin miëthakäi kua.

17 Këya, cimën na ye raan la kån ku tijn mënhe dët cïn kån ku kueec bi cii muoc, ka cii lëu bi lueel lön nhiëer yen Nhialic.

18 Wek miëthkië acuk bi ya lueel ë path yothook lön nhiëer yok röt kamkua, yok aa dhil röt kony kamkua käk yeku ke looi yiic.

19 Na cit nhiër nhiëer yok röt ë kënë, ka buk jal njic ayic lön yok aa koc Nhialic, ku cuk ben aa diëer.

20 Na ye käk yeku ke looi yo cäl aaye koc rac, ka dhilku njic lön tëktëk Nhialic awär täktäkda, anjic keriëec ëbën ë cök.

21 Wek kackië, na cii käk yeku ke tak ye lëk yo lön ye yok koc rac, ke yok aacii gup bi ya riöoc të röök yok tënë Nhialic.

22 Ku abi yo gam kuat käk cuk thiëec, rin ë kë ci lueel yen ayeku looi. Ku yok aa pir dhelden miët pušu yic.

23 Kë ci Nhialic lëk yo ë lön buk la gam tënë Wënde Jethu Kritho, ku yok aa dhil röt nhiaar kamkua, cit tëwäär ci yen ye lëk yo thïn.

24 Kuat raan loi kë wic Nhialic aci rot mat kek Nhialic, ku Nhialic ë reër kek ye. Ku të ye yok ye njic thïn lön ci Nhialic rot mät yo, ee Wëiken ci gam yo.

4

Wëi yic ku wëi lueth

¹ Wek kockiën nhiaar duökkë wët raan ye lueel lön le yen ke wëi ë guo gam, kanke wëtde tak yic apath bäk njic lön tö Wëi Nhialic yeguöp alanden, rin cï alueth kån tijn thiëi pinynhom ëbën.

² Të lëu bï yïn raan rëër kek Wëi Nhialic njic thïn akïn. Ee raan ye lueel lön Jethu Kritho acï bën pinynhom ke cüt raan, Wëi Nhialic arëër kek ye.

³ Kuat raan kuc kakkä acï rëër kek Wëi Nhialic, ee riël jøn ater Raan cï lóc ku dác yen arëër kek ye. Yen wäär cäk piñ lön bï yen bën, acï bën, arëër pinynhom ëmën.

⁴ Ku wek miëthkië, wek aa kóc Nhialic, ku wek aacï jai piöoc ë kockä. Wek aacï jai piöoc käreç rin rëër Wëi Nhialic kek we, ku yen aril tënë jønrac yen mac kóc kuc Nhialic pinynhom.

⁵ Aluethkä aa kuc Nhialic. Käk yekë ke lueel aa käk ye kóc kuc Nhialic ke lueel. Ku kóc kuc Nhialic aa wëtde gam.

⁶ Ke yook kóc cï gam yok aa kóc Nhialic. Ku kuat raan njic Nhialic ë piöocda gam, ku kóc kuc Nhialic aacie piöocda ye gam. Ku ë yen tã ye yok kóc rëër Wëi Nhialic kegup njic thïn, ku kóc rëër jønrac kóc ruëny kegup.

Nhialic ee Nhiër

⁷ Ke week kockiën nhiaar, yeku röt nhiaar ë kamkua, rin ë Nhialic yen yo cöl anhiar kóc kök. Kuat raan kóc kök nhiaar, aye nyuöth wët ë yen manh Nhialic ë yic ku anjic Nhialic.

⁸ Ku raan cï kóc kök ye nhiaar akuc Nhialic, rin Nhialic ë nhiër.

⁹ Ku Nhialic acï nhiërde nyuöth yo rin acï Wënden tök cöl abö pinynhom ë tën, rin buk pïr alanden ë rienke.

¹⁰ Nhör ë yic acie wët bï yök Nhialic nhiaar, ee lön nhier Nhialic yo, ku kënë yen aci yen Wënde tuöc ë pinynhom bï bën thou rin bï adumuömkua päl piny.

¹¹ Ke wek kackië, na ye Nhialic kë nhiaar yo apeï kälä, ke cie yic buk röt aa nhiaar kamkua?

¹² Acin raan ci Nhialic kañ tñ, ku na nhiarku röt kamkua ke Nhialic abi ya mat kek yo, ku nhierde abi rot a luöi yo təcit tē wic ye.

¹³ Yök aaci Nhialic yiök Wëike, ku buk aa ñic këya lön ci yök aa tök kek ye, ku yeen ë tök kek yo.

¹⁴ Ku acuk tñ, ku yen ayeku lëk kəc aya, lön ci Nhialic Wäda Wënde tuöc pinynhom bï raan ebën bën luök.

¹⁵ Na ye raan lueel lön ye Jethu Wën Nhialic, ke Nhialic aci mat kek ye ku aci mat kek Nhialic.

¹⁶ Ku nhierde tēnē yo acuk ñic ku gamku.

Nhialic ee nhier. Ku na ye raan Nhialic nhiaar ku kəc kök, ka ci mat kek Nhialic, ku mēt Nhialic kek ye.

¹⁷ Nhierda ë la cök tē cii yök gup ye riöc aköl lunđit, rin yök aa pïr pinynhom təcit tēwäär pïr Jethu thïn.

¹⁸ Kuat raan tö nhier yepuöu acin kë ye yen riöc. Rin nhier ë yic, ee riöc cuöp wei. Kəc aa riöc tē ye kek ye tak lön bï ke tēm awuöc, ku raan ë riöc acii nhierde la cök.

¹⁹ Kënë yo yiök riel buk Nhialic nhiaar ku kəc kök, ee rin ci yen yo kañ nhiaar.

²⁰ Ku na le raan ye lueel ka nhiaar Nhialic, ku ë kam awën ke man mēnhkēn ci gam, ke raan kënë ë lueth yen aye lueel. Rin acii lēu bï raan Nhialic

nhiaar, Nhialic kęc kaŋ t̄iŋ, ku c̄i raan nhiaar, raan ye t̄iŋ akōlakōl.

²¹ Ke ɣook, ɣok aa dhil kęc nhiaar aya, rin yen kęc c̄i Nhialic lęc ɣo buk aa looi. Ac̄i lueel kuat raan nhiaar Nhialic adhil kęc nhiaar aya.

5

Gam tēnē Manh ē Nhialic

¹ Kuat raan ye gam lōn Jethu yen ē Raan c̄i lōc ku dōc, ke raan kēnē ē manh Nhialic. Ku na yeku nhiaar raan yen Wāda, ke ɣook aa dhil miēthke nhiaar aya.

² Ayeku ŋic alanden lōn nhiεεr ɣok m̄ith ē Nhialic, tē nhiεεr ɣok Nhialic ku yeku looi kuat kęc ye lęc ɣo buk looi.

³ ɤen ē jam kēlā, rin na nhiarku Nhialic ayic, ke ɣok aa dhil kāk c̄i lęc ɣo looi. Kākka aac̄i yiic ril buk ke looi.

⁴ Rin kuat manh Nhialic ala riel b̄i kuc dhōl kęc kuc Nhialic, ku alēuku buk looi rin c̄i ɣok la gam tēnē Jethu.

⁵ Ac̄in raan dēt la riel b̄i kuc dhōl kęc kuc Nhialic, aa kęc la gam tēnē Jethu kapēc lōn ye yen Wēn Nhialic.

⁶ Ee yeen Jethu Kr̄itho, yen ac̄i bēn pinynhom, ku yeen ac̄i Joon raan kęc muōc nh̄im bēn muōc nhom ē p̄iu. Acie miōc nhom yen c̄i rot looi ē rot, yeen ac̄i bēn nōk rienkua. Ku aye Wēi Nhialic nyuōth ɣook lōn ye wēlkā yith. Rin Wēi Nhialic yen ē kęc nyuōth kēn yic akōlakōl.

⁷ Ala kāŋ kadiāk ye nyuōth ɣo ye Jethu ŋa.

⁸ Käk kadiäk, Wëi Nhialic, miöc ë nhom, ku nääkde, keek kadiäk ëbën ë tök yen ayekë nyuöth.

⁹ Na ye kəc jam käk cık tıñ ku gamku wët luelkë, yenjö cii yok käk cı Nhialic nyuöth yookkä ye gam? Aa dhil ë gam, rin käk ye Nhialic ke lueel aa dit apeı tënë käk ye raan ke lueel, ku wët jıem yen kënë, ee Wënde yen aye yen jam tënë yo.

¹⁰ Këya, na ye raan cı gam, ka dhıel ıñic ë cök lön ye Jethu Wën Nhialic, ku adhil ıñic alanden lön käk cı Nhialic nyuöthkă aa yıth. Ku raan cie kë cı Nhialic lueel ye gam, ka ye lueel lön ye Nhialic alueeth. Rin akęc wët cı Nhialic lueel rin Wënde gam.

¹¹ Kënë ye cəl aıñıku lön kë cı Nhialic lëk yo ë yic, ee rin cı yen yo yiëk pır akölriëc. Ku pır kënë ayeku yok tënë Wënde.

¹² Ee këya, kuart raan cı mat kek Wënde ka bı pır akölriëc yok. Ku raan cı jai Wën Nhialic, ka cii pır akölriëc ëbën bı kañ yok.

Thök ë wël

¹³ Wek aa gät, wek kəc cı riel Jethu gam, ke ye Wën Nhialic ku bäk ıñic lön le wek pır akölriëc ëbën.

¹⁴ Ku ë këya, acın kë lëu bı yo riäac gup tē ye yok Nhialic door, rin kuart kë buk aa thiëc ye, kën ye miëet puşu abuk ya yok.

¹⁵ Ke week təcıt tē ıñıku ye, akęc kañ kuec kë wıcku. Yeku thiëc kë wıcku, ku ıñıku lön bı yen ye gäm yo.

¹⁶ Ke yeen, na tıñ raan menhkën cı gam ke looi awuöc, awuöc ë dhıe cie raan ë tək bei tënë Nhialic akölriëc ëbën, ka dhil röök tënë Nhialic bı raan kony. Ku Nhialic abı pır ë raan cəl ala cök. Ala

adumuõõm raan tæk bei tēnē Nhialic akōlriēēc. Ku yen aciī jam bāk aa rōök rin adumuõõmke.

¹⁷ Kārec ye looi ēbēn, adumuõõm, ku ala adumuõõm kāk cie kēc ye tæk wei tēnē Nhialic akōlriēēc ēbēn.

¹⁸ Aņicku lōn raan cī ya manh Nhialic acie awuōc ē looi akōlakōl, aye Jethu Wēn ē Nhialic tiit guōp, aciī jōņrac ye muōr acīn.

¹⁹ Aņicku lōn ye ŷok mīth ē Nhialic, ku lōn yen jōņrac yen mac kēc kuc Nhialic.

²⁰ Aņicku aya lōn Wēn Nhialic aci bēn pinyinhom ē tēn. Ku ē yen aci ŷo cōl aņic Nhialic ē yic, yen aci ŷo cōl amat ŷoyiic kek Nhialic, ee rin cī ŷok mat kek Wēnde Jethu Krītho. Acīn Nhialic dēt ee Nhialic tōj. Ee yeen ē rot yen ē pīr akōlriēēc ēbēn bēēi.

²¹ Ke week miēthkiē tiēērķē nhīim bāk piōoc rac cīī gam.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55